

ხელშეკრულება
საბანკო მომსახურების შესახებ 3

წინამდებარე ხელშეკრულება საბანკო მომსახურების შესახებ (შემდგომში – ხელშეკრულება) დადებულია 25/02/2015, ა(ა)იპ ლანჩხუთის მუნიციპალიტეტის საფეხბურთო სკოლა (შემდგომში - კლიენტი), - რეგისტრირებული საჯარო რეესტრის მიერ 11/02/2011, რეგისტრაციის #433642203, გადამხდელის საიდენტიფიკაციო ნომერი 433642203, მისამართი: ლანჩხუთი, ქუჩა/მასივი: ვ.გორგასლის, სახლის/კორპუსის ნომერი: 11 წარმოდგენილი მისი ხელმძღვანელის წილოსანი სულხან მიერ, ერთი მხრივ, და სს “საქართველოს ბანკი”, (შემდგომში - ბანკი) - რეგისტრირებული ქ. თბილისის კრწანისის რაიონული სასამართლოს მიერ 29.11.1995 წ., რეგისტრაციის #06/5-07, მისამართი: თბილისი, გაგარინის ქ. #29ა, წარმოდგენილი სერვის ცენტრი N153-ის სერვის ცენტრის მენეჯერის მიხეილ ბალანჩივაძის მიერ, მეორე მხრივ, შორის (შემდგომში კლიენტი და ბანკი ერთობლივად იწოდებიან როგორც მხარეები და ცალ-ცალკე - როგორც მხარე) ვდებთ წინამდებარე ხელშეკრულებას საბანკო მომსახურების შესახებ შემდეგზე:

მუხლი 1.
ხელშეკრულების საგანი

- 1.1. ბანკი ვალდებულია ამ ხელშეკრულების პირობების შესაბამისად გაუწიოს კლიენტს ამავე ხელშეკრულებით გათვალისწინებული მომსახურება.
- 1.2. ბანკი კლიენტს გაუწევს ამ ხელშეკრულებით განსაზღვრულ მომსახურებებს იმ დროისათვის ბანკის სტრუქტურაში არსებულ წესებისა და პირობების, საქართველოს კანონმდებლობისა და ამ ხელშეკრულების პირობების შესაბამისად. ამასთან, ბანკის სტრუქტურაში არსებული წესებსა და პირობებს და ამ ხელშეკრულების დებულებებს შორის შეუსაბამობის შემთხვევაში უპირატესობა მიენიჭება ხელშეკრულების დებულებებს.

მუხლი 2.
საბანკო მომსახურება

2.1. ტერმინთა განმარტება

- გამოყენებული ტერმინების განმარტებები:
- 1. ანგარიშ(ებ)ი - მულტისავალუტო ანგარიში, რომელსაც ბანკი უხსნის კლიენტს საქართველოს კანონმდებლობით ნებადართული სხვადასხვა საბანკო ოპერაციის განსახორციელებლად.
 - 2. ამონაწერი - ანგარიშზე ჩატარებული ოპერაციების ჩამონათვალი.
 - 3. ბარათი - ბანკის მიერ ემიტირებული საერთაშორისო პლასტიკური ბარათი (საგადამხდელო სისტემა Visa, Master Card და ა.შ.) რომელიც დაკავშირებულია კლიენტის მიმდინარე, და/ან კლიენტის მიერ მითითებულ სხვა სპეციალურ ანგარიშთან და რომელსაც კლიენტი (მის მიერ უფლებამოსილი პირ(ებ)ი) იყენებს მოქმედი ბარათების გამოყენების ზოგადი წესების შესაბამისად.
 - 4. დავალება - ნებისმიერი დავალება, რომელსაც კლიენტი აძლევს ბანკს უშუალოდ და/ან დისტანციური სამომწოდებლო მომსახურების გამოყენებით (წვდომის კოდ(ებ)ის საშუალებით) ხელშეკრულებისა და მოქმედი საბანკო პროცედურების პირობების შესაბამისად.
 - 5. დისტანციური სამომწოდებლო მომსახურება - საბანკო პროდუქტების ერთობლიობა, რომელთა გამოყენებითაც კლიენტს ეძლევა განსაზღვრული საბანკო ოპერაციების წარმოების/ინფორმაციის მიღების საშუალება საბანკო დაწესებულებაში მოუსვლელად. ამგვარ მომსახურებაში შედის ინტერნეტ ბანკით მომსახურება.
 - 6. საბანკო დღე - თუ კონტექსტი სხვაგვარად არ მოითხოვს, დღე (შაბათის ან კვირის გარდა), როდესაც საქართველოში კომერციული ბანკები ღიაა და წარმართავენ თავიანთ საქმიანობას.
 - 7. წვდომის კოდები - კოდები, პაროლები, კლიენტის საფირმო სახელწოდება, საიდენტიფიკაციო კოდი და სხვა სახის კონფიდენციალური ინფორმაცია, რომელიც ბანკმა შესაძლოა მიაწოდოს კლიენტს სხვადასხვა საბანკო მომსახურებებთან უსაფრთხო წვდომისათვის.
 - 8. ოპერაცია - კლიენტის მიერ განხორციელებული ნებისმიერი გადახდა, კონვერტაცია ან განაღდება სამომწოდებლო ბარათის, ბარათის ნომრის, PIN-ის ან სხვა წვდომის კოდის გამოყენებით.
 - 9. ტარიფები - ამ ხელშეკრულებით განსაზღვრული მომსახურების სანაცვლოდ, კლიენტის მიერ ბანკისათვის გადასახდელი ფულადი სახსრები, რომელთა მოცულობა განსაზღვრულია ამ ხელშეკრულების დანართ #1-ით, რომელიც თავის მხრივ განთავსებულია ვებ-გვერდზე - www.bankofgeorgia.ge - და წარმოადგენს ამ ხელშეკრულების განუყოფელ ნაწილს.

2.2. საბანკო ანგარიშ(ებ)ი

- 2.2.1. წინამდებარე ხელშეკრულების საფუძველზე და მის თანახმად ბანკი კლიენტს გაუხსნის მულტისავალუტო მიმდინარე ანგარიშ(ებ)ს.
- 2.2.2. კანონით ნებადართულ ფარგლებში და წესით კლიენტს შეუძლია ჰქონდეს რამდენიმე ანგარიში ერთდროულად.
- 2.2.3. კლიენტს ანგარიშ(ებ)იდან ოპერაციების საწარმოებლად გადაეცემა ანგარიშის ნომერი.
- 2.2.4. ანგარიშ(ებ)ი მრავალვალუტაანია, კერძოდ: ბანკში დადგენილი ფორმით კლიენტის მოთხოვნის შემთხვევაში, ბანკი იტოვებს უფლებას, მაგრამ არ არის ვალდებული, კლიენტს შესთავაზოს ერთი და იმავე ანგარიშზე სხვა და სხვა ვალუტაში ოპერაციების წარმოების შესაძლებლობა.

კონფიდენციალური
- Confidential -

2.2.5. ბანკი ვალდებულია:

- გაუხსნას კლიენტს საბანკო ანგარიშ(ებ)ში აუცილებელი დოკუმენტების წარდგენის დღიდან 1 (ერთი) საბანკო დღის განმავლობაში.
- კლიენტის მიერ ბანკისთვის წარდგენილი შესაბამისი საგადახდო დავალების საფუძველზე ანგარიშიდან შესაბამისი ოდენობის თანხა დანიშნულებისამებრ გადარიცხოს, აღნიშნული საგადახდო დავალების ბანკისთვის წარდგენიდან 2 (ორი) საბანკო დღის ვადაში, გარდა კანონმდებლობით გათვალისწინებული შემთხვევებისა.
- ჩამოწეროს კლიენტის დავალებით, ხოლო კანონმდებლობითა და ხელშეკრულებით გათვალისწინებულ შემთხვევაში, დავალების გარეშე, შესაბამისი თანხები კლიენტის ანგარიშიდან კრედიტორების ანგარიშებზე მათ ჩასარიცხად.
- მიიღოს კლიენტისაგან და გასცეს მასზე ან მისი დავალებით სხვა პირზე, ნაღდი ფული.
- ანგარიშზე საკმარისი ფულადი სახსრების არსებობის შემთხვევაში კლიენტის დავალებით მისი ანგარიშიდან მოახდინოს ერთი ვალუტიდან მეორეში ფულადი სახსრების კონვერტაცია 2.4 მუხლით გათვალისწინებული პირობებით.
- უზრუნველყოს კლიენტის მიერ ბანკისათვის მიწოდებული ფულადი სახსრებისა და კომერციული საიდუმლოების დაცვა, და კლიენტის მოთხოვნით სახსრების დროული დაბრუნება.

2.2.6. ბანკი უფლებამოსილია:

- კლიენტის მიერ ხელშეკრულების პირობების დარღვევის შემთხვევაში, არანაკლებ 14 (თოთხმეტი) კალენდარული დღით ადრე მისი გაფრთხილების შემდეგ დახუროს ანგარიშ(ებ)ი, თუკი ამგვარი 14 (თოთხმეტი) კალენდარული დღის განმავლობაში კლიენტის მიერ არ მოხდა დარღვევის აღმოფხვრა. ასეთ შემთხვევაში, ბანკი უფლებამოსილი იქნება კლიენტის ანგარიშიდან უაქცეპტო წესით ჩამოჭრას მის მიმართ არსებული ნებისმიერი დავალიანება და თანხის დარჩენილი ნაწილი გადარიცხოს კლიენტის მიერ მითითებულ ანგარიშზე სხვა ბანკში (ან ამგვარი მითითების მიუხედავად მოახდინოს თანხების ბლოკირება, ანუ არ განახორციელოს საბანკო ოპერაციები). ანგარიშის დახურვისას გათვალისწინებული იქნება საქართველოს კანონმდებლობით (მათ შორის საბანკო და საგადასახდო კანონმდებლობით) გათვალისწინებული მოთხოვნები.
- კლიენტის ანგარიშ(ებ)იდან ან/და კლიენტის ბანკში არსებული ნებისმიერი სახის სხვა ანგარიშ(ებ)იდან უაქცეპტოდ ჩამოწეროს ანგარიშ(ებ)ის წარმოების ან/და კლიენტის მიერ ხელშეკრულებით განსაზღვრული მომსახურებით სარგებლობისთვის ხელშეკრულების დანართი #1-ით და ბანკში მოქმედი პირობების შესაბამისად დაწესებული საკომისიო ასევე ყველა სახის გადასახდელი/გადასახადი, ხოლო თუ საკომისიო გადასახდელი/გადასახადი და ანგარიშ(ებ)ზე რიცხული თანხა სხვადასხვა ვალუტაშია ბანკმა თავად განახორციელოს კონვერტაცია გადახდის თარიღისათვის ბანკში მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოწეროს ანგარიშ(ებ)იდან.
- ნებისმიერ დროს, ვებ-გვერზე - www.bankofgeorgia.ge - შესაბამისი ინფორმაციის განთავსების გზით (ან/და ბანკისთვის მისაღების სხვა ფორმით) კლიენტის დამატებითი თანხმობისა თუ აქცეპტის გარეშე, შეცვალოს ტარიფების მოცულობა. ამგვარი ცვლილება სავალდებულოა კლიენტისთვის მისი გამოქვეყნების დღის მომდევნო საბანკო დღიდან, თუ ბანკის მიერ სხვა რამ არ არის განსაზღვრული.

2.2.7. კლიენტი ვალდებულია:

- გადაუხადოს ბანკს ანგარიშის წარმოებისა და გაწეული მომსახურების ტარიფები (ამგვარის არსებობის შემთხვევაში) ამ მომსახურებასთან დაკავშირებით, ხელშეკრულების დანართი #1-ში მითითებული მომსახურების ტარიფების მიხედვით.
- ანგარიშსწორების ან სხვა ანგარიშებზე სახსრების შეცდომით ჩარიცხვის შემთხვევაში, ბანკის ან აღნიშნული თანხის მფლობელის მოთხოვნით შეძლებისდაგვარად მოკლე ვადაში დაუბრუნოს თანხა მის მფლობელს. წინააღმდეგ შემთხვევაში, მხარეები პასუხს აგებენ მოქმედი კანონმდებლობის შესაბამისად.
- სარეგისტრაციო მონაცემ(ებ)ის ცვლილების შემთხვევაში, ყოველ ჯერზე განხორციელებული ნებისმიერი სახის ცვლილების ან/და გაუქმების შესახებ წერილობითი ფორმით შეატყობინოს ბანკს, აღნიშნული გარემოებების დადგომიდან 3(სამი) საბანკო დღის ვადაში. კლიენტის მიერ ამ პუნქტით განსაზღვრული ვალდებულებების შეუსრულებლობის შემთხვევაში ბანკი პასუხს არ აგებს დამდგარ ზიანზე.

2.2.8. კლიენტს უფლება აქვს:

- მისცეს ბანკს დავალებები ანგარიშზე ოპერაციების საწარმოებლად მხოლოდ მისი უფლებამოსილების ფარგლებში.

2.2.9. ბანკი პასუხისმგებელია კლიენტის წინაშე ანგარიშზე ოპერაციების წარმოების სისწორისა და დროულობისათვის მოქმედი კანონმდებლობის შესაბამისად.

2.2.10. ბანკი არ არის პასუხისმგებელი კლიენტის წინაშე საანგარიშსწორებო-საკასო მომსახურების განხორციელების დაყოვნებისათვის, თუ ეს მისი მიზეზით არ არის გამოწვეული.

2.2.11. კლიენტი პასუხისმგებელია ანგარიშ(ებ)ის გასახსნელად და მასზე ოპერაციების საწარმოებლად წარმოდგენილი დოკუმენტების უტყუარობისათვის. კლიენტი აღნიშნულ ხელშეკრულებაზე ხელმოწერით აცხადებს თანხმობას, რომ აქვს სრული უფლებამოსილება (ან მიიღებს შესაბამის უფლებამოსილებას), იმისათვის, რომ ხელი მოაწეროს და შეასრულოს ამ ხელშეკრულებით ან ნებისმიერი სხვა ხელშეკრულებებით და განცხადებით გათვალისწინებული ვალდებულებები. ამასთან, კლიენტი ვალდებულია ბანკისთვის წარდგენილ აღნიშნული უფლებამოსილების დამადასტურებელ დოკუმენტს ან/და ინფორმაციაში განხორციელებული ნებისმიერი სახის ცვლილების ან/და გაუქმების შესახებ წერილობითი ფორმით შეატყობინოს ბანკს, აღნიშნული გარემოებების დადგომიდან 5(ხუთი) საბანკო დღის ვადაში. კლიენტის მიერ ამ პუნქტით განსაზღვრული ვალდებულებების შეუსრულებლობის შემთხვევაში ბანკი პასუხს არ აგებს დამდგარ ზიანზე. აღნიშნული პუნქტით განსაზღვრული შეტყობინების ვალდებულება ერთმნიშვნელოვნად ვრცელდება ბანკისთვის წარდგენილ ყველა იმ დოკუმენტზეც, რომლითაც კლიენტს გაცემული აქვს მისი სახელით მოქმედების უფლებამოსილება.

2.2.12. კლიენტის მიერ წარმოდგენილი განაცხადისა და სხვა აუცილებელი დოკუმენტების საფუძველზე, ბანკი შესაბამის ფიზიკურ პირებზე გასცემს კორპორატიულ / ბიზნეს ბარათებს, კლიენტის მიერ მოთხოვნილი ოდენობით ბანკში არსებული წესების შესაბამისად.

ბიზნეს ბარათი დაკავშირებული იქნება კლიენტის ერთ-ერთ საბანკო ანგარიშთან, რომლიდანაც მოხდება ბარათით სარგებლობისას გახარჯული თანხების ჩამოჭრა. ბიზნეს ბარათით სარგებლობისას მის მფლობელებზე სრულად გავრცელდება ბანკის მიერ პერიოდულად დამტკიცებული სარგებლობის წესები და დებულებები.

2.3. დისტანციური საბანკო მომსახურება (ინტერნეტ ბანკი)

2.3.1. კლიენტის მოთხოვნის შემთხვევაში ბანკი უზრუნველყოფს კლიენტის რეგისტრაციას ინტერნეტბანკის პროგრამაში ბანკში დადგენილი წესით და პირობებით, რა პერიოდშიც ბანკი პასუხისმგებელი იქნება ინტერნეტბანკის უსაფრთხო და გამართულ მუშაობაზე, ხოლო კლიენტს საშუალება ექნება ბანკში დადგენილი წესით და პირობებით აწარმოოს მისი აქტიური და პასიური ოპერაციები.

2.3.2. კლიენტი პასუხისმგებელია: ა) ყველა დავალებაზე (მათ შორის დავალებაში დაშვებულ შეცდომებზე), რომელიც მიწოდებული იქნება ბანკისათვის კლიენტის სპეციალური უსაფრთხოების პროცედურების გავლის შემდეგ, იმ მომენტამდე, სანამ არ შეწყდება დისტანციური საბანკო მომსახურებით (ინტერნეტბანკით) სარგებლობა და ბ) ნებისმიერ ოპერაციაზე, რომელსაც იგი განახორციელებს დისტანციური საბანკო მომსახურებით აღნიშნული მომსახურების გამოყენების ვადის გასვლის შემდეგ.

2.3.3. ბანკი მიმართავს ყველა ზომას რათა კლიენტი უზრუნველყოს დისტანციური საბანკო მომსახურებით, მაგრამ ბანკი არ იქნება პასუხისმგებელი იმ შემთხვევაში, თუ ვერ მოხერხდა აღნიშნული მომსახურებით კლიენტის უზრუნველყოფა ბანკისაგან დამოუკიდებელი მიზეზების გამო. აღნიშნული გულისხმობს ისეთ შემთხვევებსაც, როდესაც ხდება ბანკის სისტემის ან დისტანციური საბანკო მომსახურების შეფერხება სისტემის განახლების და გაუმჯობესების მიზეზით.

2.4. ვალუტის გაცვლა

2.4.1. ბანკი კლიენტს გაუწევს ვალუტის გაცვლითი ოპერაციებით მომსახურებას. ვალუტის გაცვლითი ოპერაციაში იგულისხმება კლიენტის ერთ-ერთ სავალუტო ანგარიშზე არსებული თანხების გაყიდვა მეორის სანაცვლოდ. ვალუტის გაცვლითი ოპერაციას ბანკი შეასრულებს კლიენტის განაცხადის შესაბამისად ბანკში დადგენილი კომერციული კურსით.

2.4.2. ბანკი იღებს ვალდებულებას ჩაატაროს ვალუტის გაცვლითი ოპერაცია კლიენტის სტანდარტულ და/ან უნივერსალურ ანგარიშებზე, ამგვარი ოპერაციის საწარმოებლად საჭირო თანხის არსებობის შემთხვევაში და ვალუტის გაცვლითი ოპერაციის შესრულებისთანავე ჩარიცხოს კლიენტის ანგარიშზე კლიენტის მიერ ნაყიდი თანხა განაცხადში მითითებულ ვალუტირების (კლიენტის ანგარიშებზე თანხების ჩამოწერისა და ჩარიცხვის) თარიღში.

2.4.3. ბანკი უფლებამოსილია კლიენტის მიერ ვალუტის გაცვლითი ოპერაციის წარმოების შესახებ განაცხადის მიღების მომენტიდან, ბლოკირება გაუკეთოს კლიენტის სტანდარტულ და/ან უნივერსალურ ანგარიშებზე თანხებს, განაცხადში არსებული კლიენტის მიერ გასაყიდი თანხის ფარგლებში (ოპერაციის საზღაურის გათვალისწინებით) ოპერაციის დასრულებამდე (ანგარიშებზე შესაბამისი თანხების ჩამოჭრა/ჩარიცხვამდე ან ბანკის მიერ ოპერაციის შეუსრულებლობისას).

2.4.4. ბანკი არ იღებს ვალდებულებას ვალუტის გაცვლითი ოპერაციის წარმოების შესახებ განაცხადის შესრულებაზე იმ შემთხვევაში, თუ ბანკის მიერ დადგენილი კურსი არ აკმაყოფილებს კურსის შეზღუდვის მოთხოვნებს. კურსის შეზღუდვა გულისხმობს მხოლოდ განაცხადში მითითებულ კურსში ვალუტის გაცვლითი ოპერაციის შესრულების მოთხოვნას.

2.4.5. კლიენტი ვალდებულია ვალუტის გაცვლითი ოპერაციების ჩატარებისათვის დააკმაყოფილოს ბანკში დადგენილი ზოგადი წესები (განაცხადის წარდგენის ვადები, შევსების წესები და ა.შ.) და გადაიხადოს აღნიშნული ოპერაციებისათვის დადგენილი საკომისიო გადასახადი ბანკში იმ დროისათვის მოქმედი ტარიფების შესაბამისად თუ მხარეთა დამატებით შეთანხმებით სხვა რამ არ არის განსაზღვრული.

2.5. ინკასაცია

2.5.1. კლიენტის მოთხოვნის შემთხვევაში, ბანკი განახორციელებს კლიენტის საინკასაციო მომსახურებას, „საბანკო დაწესებულებებში საკასო ოპერაციების წარმოების წესების შესახებ“ საქართველოს ეროვნული ბანკის დებულების 22-ე და 23-ე მუხლებით დადგენილი ნორმების შესაბამისად, კლიენტის ოფის(ებ)იდან ბანკამდე. საინკასაციო მომსახურების გაწევა მოხდება ხელშეკრულების დანართ #1-ში ნორმებში აღვლილ შემთხვევაში, ვადებში და ტარიფებით.

2.5.2. ბანკი ვალდებულია მიიღოს, და არაუგვიანეს მეორე საბანკო დღისა ასახოს კლიენტის ანგარიშზე ინკასაციით მიღებული თანხა.

2.5.3. ბანკი ვალდებულია წინასწარ წარუდგინოს კლიენტს ინკასატორთა სრული სია მათი პირადობის მოწმობებში არსებული რეკვიზიტების მითითებით.

2.5.4. ბანკი ვალდებულია საჭიროებისამებრ მოამარაგოს კლიენტს თანხებითი უწყისებით, დასაპლომბი საშუალებებით, აგრეთვე გამოუყოს და მიამაგროს მას დანომრილი საინკასაციო ჩანთები, რომლებიც წარმოადგენს ბანკის საკუთრებას და ხელშეკრულების შეწყვეტის ან ვადის ამოწურვის შემთხვევაში უნდა დაუბრუნდეს მას. ჩანთების დაზიანების ან დაკარგვის შემთხვევაში კლიენტი აუნაზღაურებს ბანკს ჩანთების ღირებულებას საბალანსო შეფასებით.

2.5.5. წინამდებარე ხელშეკრულების პირობებისაგან განსხვავებული, დამატებითი საინკასაციო ოპერაციის განხორციელების საჭიროების შემთხვევაში კლიენტი ვალდებულია ერთი დღით ადრე გააკეთოს განაცხადი საინკასაციო მომსახურებაზე, რის საფუძველზეც გაფორმდება დამატებითი ხელშეკრულება შეთანხმებული საინკასაციო პირობებისა და ტარიფის გათვალისწინებით.

2.5.6. კლიენტის წარმომადგენელი უნდა დაესწროს ინკასირებული თანხის გადათვლის პროცესს და ხელი მოაწეროს შესაბამის მიღება-ჩაბარების აქტს. წინააღმდეგ შემთხვევაში ბანკის მიერ შედგენილი აქტი წარმოადგენს უდავო და სავალდებულო დოკუმენტს ორივე მხარისათვის.

2.5.7. კლიენტი ვალდებულია მაქსიმალურად უზრუნველყოს საინკასაციო ოპერაციის განხორციელების შესახებ ინფორმაციის კონფიდენციალობა.

2.6. სხვა სახის საბანკო მომსახურება

2.6.1. კლიენტის მოთხოვნის შემთხვევაში, ბანკი განიხილავს კლიენტისათვის ნებისმიერი სხვა სახის (ამ ხელშეკრულებით გათვალისწინებელი) საბანკო მომსახურების გაწევის საკითხს.

2.6.2. ბანკის მიერ ზემოაღნიშნული მომსახურებების გაწევა მოხდება შესაბამისი მომსახურებისათვის ბანკში დადგენილი სტანდარტული პირობების და წესების (მათ შორის სტანდარტული ტარიფების) შესაბამისად, თუ ამავე ხელშეკრულებით ან მხარეთა დამატებითი შეთანხმებით სხვა რამ არ არის გათვალისწინებული.

მუხლი 3.

ხელშეკრულების ძალაში შესვლა და მოქმედება

3.1. წინამდებარე ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს ერთი წლის განმავლობაში. იმ შემთხვევაში, თუ ხელშეკრულების ვადის გასვლამდე არანაკლებ 1 (ერთი) თვით ადრე რომელიმე მხარე წერილობით არ განაცხადებს ხელშეკრულების შეწყვეტის თაობაზე, ხელშეკრულება ჩაითვლება ყოველ ჯერზე ავტომატურად გაგრძელებულად იმავე ვადითა და პირობებით.

3.2. ხელშეკრულების ვადად შეწყვეტა/მოშლა დასაშვებია ქვემოთ მითითებული საფუძვლებით:

3.2.1. მხარეთა ურთიერთშეთანხმებით;

3.2.2. რომელიმე მხარის მიერ ნაკისრი ვალდებულებების მნიშვნელოვანი შეუსრულებლობის შემთხვევაში, თუკი ამგვარი შეუსრულებლობა არ იქნება აღმოფხვრილი მეორე მხარის მიერ შეტყობინების გაკეთებიდან 60 (სამოცი) დღის განმავლობაში. ამასთან, ასეთ შემთხვევაში დასაშვებია ხელშეკრულების სრული ან მისი ცალკეული პირობის (რომლის დარღვევაც ხდება დამრღვევი მხარის მიერ) მოქმედების შეწყვეტა;

3.2.3. წინამდებარე ხელშეკრულებითა და/ან კანონით გათვალისწინებულ სხვა შემთხვევებში.

3.3. მხარე ვალდებულია, ხელშეკრულების პირობების შესაბამისად ხელშეკრულების ცალმხრივად შეწყვეტის შემთხვევაში შეატყობინოს თავისი განზრახვის შესახებ მეორე მხარეს ხელშეკრულების (ან მისი ნაწილის) შეწყვეტამდე არანაკლებ 2 (ორი) თვით ადრე. ამასთან, იმ შემთხვევაში თუ:

3.3.1. შესაბამისი კანონმდებლობიდან გამომდინარე ხელშეკრულება უნდა შეწყდეს უფრო მოკლე ვადებში, მხარეები კანონით ნებადართულ ფარგლებში ითანამშრომლებენ რომელიმე მხარისათვის ამგვარი შეწყვეტის შედეგად მიყენებული შესაძლო ზიანის თავიდან ასაცილებლად ან მაქსიმალურად შესამცირებლად;

3.3.2. მხარის მიერ ხელშეკრულების დარღვევით მეორე მხარეს ადგება ზიანი, ამგვარი მეორე (არადამრღვევი) მხარე უფლებამოსილია მიიღოს შესაბამისი ზომები (მათ შორის, მომსახურების გაწევის შეჩერება) ზიანის თავიდან ასაცილებლად ან შესამცირებლად.

3.4. ხელშეკრულების ვადად შეწყვეტის შემთხვევაში მხარეები ვალდებული არიან დაუყოვნებლივ შეასრულონ ყველა ფინანსური ვალდებულება (ამგვარის არსებობის შემთხვევაში) ერთმანეთის წინაშე.

მუხლი 4.

მარეგულირებელი კანონმდებლობა და დავების გადაწყვეტის წესი

4.1. წინამდებარე ხელშეკრულება რეგულირდება და განიმარტება საქართველოს კანონმდებლობის შესაბამისად.

4.2. ამ ხელშეკრულებასთან ან მის ინტერპრეტაციასთან დაკავშირებული ნებისმიერი დავა ან უთანხმოება გადაწყდება მხარეებს შორის მოლაპარაკების გზით.

4.3. იმ შემთხვევაში თუ ხელშეკრულებასთან ან მის ინტერპრეტაციასთან დაკავშირებული დავის ან უთანხმოების გადაწყვეტა ვერ მოხდება მხარეებს შორის ამგვარი დავის ან უთანხმოების წარმოშობიდან 10 (ათი) დღის განმავლობაში, მხარეები მიმართავენ შესაბამისი იურისდიქციის სასამართლოს. მხარეთა შორის წერილობითი შეთანხმების არსებობის შემთხვევაში დავის გადაწყვეტა შესაძლებელია მხარეთა შორის შეთანხმებულ არბიტრაჟშიც.

მუხლი 5.

კლიენტის დავალებების შესრულებისას ზიანის ანაზღაურება და პასუხისმგებლობის შეზღუდვა

5.1. კლიენტი აღიარებს, რომ ამ ხელშეკრულებით გათვალისწინებული მომსახურება განხორციელდება ბანკის მიერ კლიენტისაგან ან სხვა უფლებამოსილი პირისაგან მიღებული დავალებების და ავტორიზაციის შესაბამისად ამ ხელშეკრულების პირობების საფუძველზე. იმის გათვალისწინებით, რომ საბანკო მომსახურების გაწევისას ბანკი მოქმედებს კლიენტის დავალებით, კლიენტი აცხადებს თანხმობას იმის შესახებ, რომ აუნაზღაურებს და დაიცავს ბანკს იმ ზიანისგან, ზარალისგან, სასამართლო ხარჯებისგან, კლიენტის ან მესამე მხარის (რაც ყოველგვარი შეზღუდვის გარეშე მოიცავს კლიენტის თანამშრომლებს) მიერ წაყენებული პრეტენზიებისა და საჩივრებისაგან, რომლის შედეგადაც ბანკს მიადგა ზიანი ან ზარალი. კლიენტი ასევე აუნაზღაურებს და დაიცავს ბანკს ისეთი ზიანისაგან, რომელიც წარმოიშვა ხელშეკრულებით გათვალისწინებული საბანკო მომსახურების გამოყენების შედეგად (რაც ყოველგვარი შეზღუდვის გარეშე მოიცავს დისტანციურ საბანკო მომსახურებას).

კონფიდენციალური
- Confidential -

5.2. ზემოაღნიშნული დებულებები ზარალის ანაზღაურების და ვალდებულებების შეზღუდვის შესახებ გავრცელდება ბანკის აღმსრულებელ პირებზე, დირექტორებზე, თანამშრომლებზე, წარმომადგენლებსა და აგენტებზეც, გარდა იმ შემთხვევებისა, როდესაც ზარალი გამოწვეულია ბანკის ან ზემოაღნიშნული პირების დაუდევრობით, სამსახურებრივი გულგრილობით ან გამიზნული ქმედებით ან ამ ხელშეკრულების პირობების დარღვევით.

5.3. იმ შემთხვევაში, თუ კანონის შესაბამისად ბანკს ეკისრება რაიმე გადასახადი ან ჯარიმა კლიენტის საგდასახადო ვალდებულების გამო, კლიენტი დაუყოვნებლივ აუნაზღაურებს ბანკს ყველა ამგვარ ვალდებულებას, გარდა იმ შემთხვევისა, როდესაც ამგვარი გადასახადის ან ჯარიმის დაწესება გამოწვეულია ბანკის რომელიმე ქვედანაყოფის დაუდევრობით, სამსახურებრივი გულგრილობით ან გამიზნული ქმედებით.

5.4. ამ მუხლში აღნიშნული პირობები ძალაში დარჩება ამ ხელშეკრულებით განსაზღვრული საბანკო მომსახურების შეწყვეტის შემთხვევაშიც, სანამ მხარეები ერთმანეთის წინაშე ბოლომდე არ შეასრულებენ ხელშეკრულებიდან წარმოშობილ ვალდებულებებს.

მუხლი 6.

კონფიდენციალურობა

6.1. მხარეები ვალდებული არიან ამ ხელშეკრულების მოქმედების პერიოდში დაცვან წინამდებარე ხელშეკრულების (დანართების ჩათვლით) და მასთან დაკავშირებული სხვა ხელშეკრულებებისა და შეთანხმებების პირობების კონფიდენციალურობა. აღნიშნული შეზღუდვა არ შეეხება: (ი) იმ ინფორმაციას, რომელიც არის ან გახდება საჯაროდ ხელმისაწვდომი მხარეთაგან დამოუკიდებლად; (იი) ინფორმაციას, რომლის მოპოვებაც შესაძლებელია სხვა წყაროებიდან; (იიი) ინფორმაციას, რომლის გამჟღავნებაც მოხდება რომელიმე მხარის მიერ კანონის მოთხოვნათა შესაბამისად.

6.2. მიუხედავად ხელშეკრულების 6.1. პუნქტით გათვალისწინებული შეზღუდვისა, კლიენტი ანიჭებს ბანკს უპირობო უფლებას, კლიენტის დამატებითი წინასწარი ან შემდგომი თანხმობის ან აქცეპტის გარეშე საკუთარი შეხედულებისამებრ განსაზღვრული და ს.ს. "კრედიტინფო საქართველოსთან" (საიდენტიფიკაციო კოდი: 204470740) ან ნებისმიერი სხვა მსგავსი ფუნქციის მქონე დაწესებულებასთან შეთანხმებული წესით, ფორმით და ვადებში:

6.2.1. ს.ს. "კრედიტინფო საქართველოს" ან ნებისმიერ სხვა მსგავსი ფუნქციის მქონე დაწესებულებას, რომელიც შეიძლება ფუნქციონირებდეს ან დაარსდეს საქართველოს ან ნებისმიერი სხვა იურისდიქციის ქვეშ, მიაწოდოს ინფორმაცია კლიენტის შესახებ, რომელიც ყოველგვარი შეზღუდვის გარეშე, მოიცავს: კლიენტის საიდენტიფიკაციო მონაცემებს, აგრეთვე კლიენტის მსხვილი აქციონერებისა/დამფუძნებლების და წარმომადგენლობაზე უფლებამოსილი პირების სახელებსა და საიდენტიფიკაციო მონაცემებს, მიმდინარე ვალის წარმოშობის საფუძველს, მოცულობას, მიზნობრიობას, დარიცხულ საპროცენტო სარგებელს, მოქმედების ვადას, კლიენტის მიერ ვალთან დაკავშირებული გადახდების დროულობას, დავლიანების ნაშთს, უზრუნველყოფის საგნის საიდენტიფიკაციო მონაცემებს, ხოლო სასამართლო (მათ შორის, საარბიტრაჟო სასამართლო) დავის არსებობის შემთხვევაში სასამართლო (მათ შორის, საარბიტრაჟო სასამართლო) სამართალწარმოების და სააღსრულებო წარმოების შედეგებს;

6.2.2. მისცეს თანხმობა ს.ს. "კრედიტინფო საქართველოს" ან ნებისმიერ სხვა მსგავსი ფუნქციის მქონე დაწესებულებას, რომ ბანკის მიერ ს.ს. "კრედიტინფო საქართველოსათვის" ან ნებისმიერი სხვა მსგავსი ფუნქციის მქონე დაწესებულებისათვის მიწოდებული კლიენტის მონაცემები ს.ს. "კრედიტინფო საქართველომ" ან ნებისმიერმა სხვა მსგავსი ფუნქციის მქონე დაწესებულებამ გადასცეს მესამე პირებს, იმ პირობით რომ ბანკის მიერ მიწოდებული კლიენტის მონაცემების მიწოდება მოხდება იმ პირებისთვის, რომლებიც თავადაც აწედიან ს.ს. "კრედიტინფო საქართველოს" ან ნებისმიერ სხვა მსგავსი ფუნქციის მქონე დაწესებულებას აღნიშნული ხასიათის მონაცემებს და რომელთაც გაფორმებული აქვთ შესაბამისი ხელშეკრულება ს.ს. "კრედიტინფო საქართველოსთან" ან ნებისმიერ სხვა მსგავსი ფუნქციის მქონე დაწესებულებასთან;

6.2.3. მოიძიოს, მიიღოს და გამოიყენოს ს.ს. "კრედიტინფო საქართველოსთან" ნებისმიერი სხვა მსგავსი ფუნქციის მქონე დაწესებულების მონაცემთა ბაზაში არსებული კლიენტის მონაცემები.

მუხლი 7.

ზოგადი დებულებები

7.1. რომელიმე მხარის მხრიდან ხელშეკრულების მოღიანად ან ნაწილობრივ დარღვევასთან დაკავშირებით მეორე მხარის მიერ მისთვის მინიჭებული უფლებების გამოუყენებლობა არ გავრცელდება ხელშეკრულების ნებისმიერ შემდგომ დარღვევაზე;

7.2. წინამდებარე ხელშეკრულება მისი ვალდებულებებითა და სარგოებით ვრცელდება მხარეთა შესაბამის სამართალმემკვიდრეებსა და უფლებამონაცვლეებზე. ამასთან, თუ მნიშვნელოვანი საფრთხე შეექმნება ერთ-ერთი მხარის უფლებამონაცვლის ან სამართალმემკვიდრის მიერ ამ ხელშეკრულებით ნაკისრი ვალდებულებების შესრულებას, მეორე მხარე უფლებამოსილი იქნება მოითხოვოს ამ ხელშეკრულების პირობების გადახედვა;

7.3. ბანკი უფლებამოსილია ხელშეკრულებით გათვალისწინებული მომსახურებასთან დაკავშირებული მისი უფლებები და მოვალეობები გადასცეს ბანკის აფილირებულ პირს იმ პირობით, რომ (ა) ამგვარი გადაცემის თაობაზე წერილობით უნდა ეცნობოს კლიენტს; და (ბ) ბანკი თავად დარჩება პასუხისმგებელი კლიენტის წინაშე შემსრულებლის მიერ ხელშეკრულებით გათვალისწინებული მომსახურების გაწევასთან დაკავშირებით;

7.4. წინამდებარე ხელშეკრულების ნებისმიერი ცვლილება ან დამატება უნდა გაკეთდეს წერილობით და ხელი მოეწეროს მხარეთა უფლებამოსილი წარმომადგენლების მიერ. ზემოაღნიშნული დაქტმის მიუხედავად, ბანკს უფლება აქვს ნებისმიერ დროს განახორციელოს ცვლილება, კერძოდ შეცვალოს ამ ხელშეკრულების პირობები ან/და განსაზღვროს დამატებითი პირობები (ორივე შემთხვევა,

კონფიდენციალური
- Confidential -

ყოველგვარი შეზღუდვის გარეშე, მოიცავს წინამდებარე ხელშეკრულებას და ნებისმიერ სხვა შესაბამის დანართს ან/და გრაფიკს და მათში განსაზღვრულ მომსახურების პირობებს, შესაბამისი ტარიფების ჩათვლით), იმისათვის, რომ ასახოს ცვლილებები საბაზრო პირობებში, საბანკო პრაქტიკასა და შესაბამის კანონმდებლობაში. ამასთან:

- 7.4.1. თუ ცვლილება კლიენტის სასარგებლოდ განხორციელდა, ბანკს უფლება აქვს ამგვარი ცვლილება დაუყოვნებლივ განხორციელოს და ცვლილებების შესახებ ინფორმაცია გამოაქვეყნოს ბანკის ინტერნეტ-გვერდზე განთავსებით და/ან სერვის-ცენტრებში გამოკვრით ამგვარი ცვლილებების განხორციელებიდან 30 კალენდარული დღის ვადაში;
- 7.4.2. თუ ცვლილება არ არის კლიენტის სასარგებლოდ, მაგრამ არც საზიანოა კლიენტისთვის, ბანკი ცვლილებების შესახებ ინფორმაციას გამოაქვეყნებს ბანკის ინტერნეტ-გვერდზე განთავსებით და/ან სერვის-ცენტრებში გამოკვრით ამგვარი ცვლილებების განხორციელებამდე სულ ცოტა 10 კალენდარული დღით ადრე;
- 7.4.3. თუ ცვლილება ზღუდავს კლიენტის ამ ხელშეკრულებით გათვალისწინებულ უფლებებს, ბანკი ცვლილებების შესახებ ინფორმაციას გამოაქვეყნებს ბანკის ინტერნეტ-გვერდზე განთავსებით და/ან სერვის-ცენტრებში გამოკვრით ამგვარი ცვლილებების განხორციელებამდე სულ ცოტა 30 კალენდარული დღით ადრე.
- 7.5. წინამდებარე ხელშეკრულების რომელიმე დებულების ბათილობა არ იწვევს მთლიანად ხელშეკრულების ბათილობას. ბათილი დებულების ნაცვლად გამოიყენება იმგვარი დებულება, რომლითაც უფრო ადვილად მიიღწევა ამ ხელშეკრულებით, და მათ შორის, ბათილი დებულებით (თუკი ბათილი დებულებით გათვალისწინებული მიზანი არ არის კანონსაწინააღმდეგო) გათვალისწინებული მიზანი;
- 7.6. წინამდებარე ხელშეკრულების დანართები წარმოადგენენ მის განუყოფელ ნაწილს;
- 7.7. წინამდებარე ხელშეკრულების საფუძველზე მხარეთა შორის გაფორმებულ დამატებით შეთანხმებებსა და სხვა ხელშეკრულებებს მიენიჭება უპირატესობა იმ საკითხებთან მიმართებაში, რომელთა დასარეგულირებლადაც არის დადებული ამგვარი შეთანხმება, თუ სხვა ხელშეკრულება. ამასთან, ხელშეკრულების დადებამდე მხარეთა შორის არსებული ნებისმიერი შეთანხმება/ხელშეკრულება, რომელიც ეწინააღმდეგება წინამდებარე ხელშეკრულებას ან არეგულირებს წინამდებარე ხელშეკრულებით გათვალისწინებულ საკითხებს, ჩათვლება გაუქმებულად;
- 7.8. წინამდებარე ხელშეკრულება შედგენილია ქართულ ენაზე. თუ რომელიმე მხარემ არ იცის ქართული ენა ან/და მისი დამწერლობა, ან მხარეებს ან ერთ-ერთ მხარეს სურს, მაშინ ხელშეკრულება შესაძლოა შედგეს და დაიდოს ასევე მხარეთათვის მისაღებ სხვა ენაზეც. ხელშეკრულების ინტერპრეტაციისას უპირატესობა ენიჭება ქართულ ენაზე შედგენილ ტექსტს.
- 7.9. წინამდებარე ხელშეკრულებით გათვალისწინებული შეტყობინებები და სხვა კომუნიკაციები, თუ ამავე ხელშეკრულებით სხვა რამ არ არის გათვალისწინებული, უნდა ჩაბარდეს პირადად ან გაიგზავნოს დაზღვეული ან რეგისტრირებული საფოსტო გზავნილით, ქვემოთ მითითებულ მისამართებზე.

მუხლი 8.

მხარეთა რეკვიზიტები და ხელმოწერები

ა(ა)იპ ლანჩხუთის მუნიციპალიტეტის საფეხბურთო სკოლა
მის: საქართველო, ლანჩხუთი, ქუჩა/მასივი: ვ.გორგასლის,
სახლის/კორპუსის ნომერი: 11
ტელ: 995599316886
იმეილი:

ხელმძღვანელი წილოსანი სულხან



ს.ს. "საქართველოს ბანკი"
მის: საქართველო, თბილისი, გაგარინის ქ. #29ა
ტელ: 2 444 444
ბანკის წარმომადგენელი მიხეილ ბალანჩივაძე



კონფიდენციალური
- Confidential -

ქ. ლანჩხუთი

25 02 2015 წელი

1. მხარეები

- 1.1. **ბანკი:**
 - 1.1.1. სახელწოდება (საფირმო): სს „საქართველოს ბანკი“
 - 1.1.1.1. საიდენტიფიკაციო ნომერი: 204378869
 - 1.1.1.2. წარმომადგენელი (ხელმოწერი პირი):
 - 1.1.2.1. სახელი და გვარი: მიხეილ ბალანჩივაძე
 - 1.1.2.2. თანამდებობა/სტატუსი: სერვის ცენტრის მენეჯერი
- 1.2. **კლიენტი:**
 - 1.2.1. სახელწოდება (საფირმო): ა(ა)იპ ლანჩხუთის მუნიციპალიტეტის საფეხბურთო სკოლა
 - 1.2.1.1. საიდენტიფიკაციო ნომერი: 433642203
 - 1.2.1.2. წარმომადგენელი (ხელმოწერი პირი):
 - 1.2.1.2.1. სახელი და გვარი: წილოსანი სულხან
 - 1.2.1.2.2. პირადი ნომერი: 26001002685
 - 1.2.1.2.3. თანამდებობა/სტატუსი: წარმომადგენელი

წინამდებარე შეთანხმებაში გამოყენებულ ტერმინთა განმარტება:

ავტორიზაცია - წვდომის კოდის საშუალებით კლიენტის იდენტიფიკაციის პროცედურა, რომლის საფუძველზეც ბანკი განხორციელებს ინტერნეტბანკით მომსახურებას.

ანგარიში - ბანკში არსებული კლიენტის ნებისმიერი სახის საბანკო ანგარიშ(ებ)ი.

დავალება - ინტერნეტბანკით მომსახურების ფარგლებში განხორციელებული ნებისმიერი დავალება ან/და მითითება, რომელსაც კლიენტი აძლევს ბანკს. დივიდასი - მოწყობილობა, რომელიც გადაეცემა პასუხისმგებელ პირს, და აგენერირებს ექსნიშნა ერთჯერად კოდებს, რაც თავის მხრივ გამოიყენება ინტერნეტბანკში ავტორიზაციისა და ოპერაციების განხორციელებისათვის.

ელექტრონული საბუთი - ინფორმაციის ელექტრონულ მატარებელზე მოთავსებული ტექსტი, რომელსაც აძლევს ელექტრონული ხელმოწერა და რომელიც მხარეთა შორის ურთიერთობაში წარმოადგენს იურიდიული ძალის მქონე დოკუმენტს.

ელექტრონული ხელმოწერა - ელექტრონულ საბუთზე მოთავსებული ტექსტის დანამატი, რომელიც საშუალებას აძლევს მიმღებს დაადგინოს ავტორის ვინაობა.

კანონმდებლობა - საქართველოს მოქმედი საკანონმდებლო და კანონქვემდებარე ნორმატიული აქტები და საქართველოს ნორმატიულ აქტთა სისტემაში მოქცეული საერთაშორისო ხელშეკრულებები და შეთანხმებები.

ლიმიტი - კლიენტის მიერ საბანკო პროდუქტით სარგებლობის და ოპერაციების განხორციელებისას, ბანკის მიერ დაწესებული ფინანსური თუ ნებისმიერი სხვა სახის ლიმიტი/შეზღუდვა/კრძალვა.

ოპერაცია - ბანკის მიერ კლიენტის დავალებით განხორციელებული ნებისმიერი სახის საბანკო მომსახურება.

პასუხისმგებელი პირი - კლიენტის წარმომადგენელი, რომელიც უფლებამოსილია კლიენტის სახელით განხორციელოს ოპერაციები ინტერნეტბანკის ფარგლებში.

საბანკო დღე - დღე (შაბათის, კვირის ან კანონმდებლობით განსაზღვრული ოფიციალური დასვენების დღეების გარდა), როდესაც საქართველოში მოქმედი კომერციული ბანკები ღიაა და წარმართავენ თავიანთ ჩვეულებრივ საქმიანობას.

საკომისიო - კლიენტის მიერ ინტერნეტბანკით სარგებლობისათვის ბანკისათვის გადასახდელი თანხა, რომლის ოდენობა განისაზღვრება ბანკის მიერ ცალმხრივად, შესაბამისი ინფორმაციის ვებ-გვერდზე (www.bankofgeorgia.ge) განთავსების გზით, ხოლო საკომისიოს დარიცხვისა და გადახდის პირობები განისაზღვრება ბანკში დადგენილი პირობების შესაბამისად.

წვდომის კოდი - ნებისმიერი სახის კონფიდენციალური ინფორმაცია, რომელიც ბანკმა შესაძლოა მიაწოდოს კლიენტს ან/და პასუხისმგებელ პირს, ინტერნეტბანკით მომსახურების განხორციელების მიზნით.

KEY ფაილი - დამიწერილი ფაილების ერთობლიობა, რომელიც გადაეცემა პასუხისმგებელ პირს და რომელიც გამოიყენება ინტერნეტბანკში ავტორიზაციისათვის.

2. მხარეთა დამატებითი შეთანხმებული პირობები

2.1. მხარეები თანხმდებიან, რომ წინამდებარე შეთანხმების გაფორმების შემდეგ, ძალადაკარგულად გამოცხადდეს მხარეთა შორის შეთანხმებული ყველა ის ნორმა, რომელიც განსხვავებულად არეგულირებს წინამდებარე შეთანხმებით განსაზღვრულ პირობებს.

3. ინტერნეტბანკი

3.1. ინტერნეტბანკის მეშვეობით კლიენტი უფლებამოსილია დისტანციურად, ბანკში მიუსვლილად მისცეს ბანკს დავალება და მოითხოვოს ოპერაციის განხორციელება.

3.2. ინტერნეტბანკით დაშვებულია შემდეგი ოპერაციები:

3.2.1. კლიენტის ანგარიშების დათვალიერება (ინფორმაციის მიღება ანგარიშებზე (კრედიტებზე) არსებული ნაშთის, დარიცხული პროცენტის, ოვერდრაფტის შესახებ და ა.შ.).

3.2.2. კლიენტის პლასტიკური საბანკო ბარათების შესახებ ინფორმაციის დათვალიერება.

3.2.3. კლიენტის ავტომატური გადარიცხვების და მუდმივი საგადასახადო მომსახურების სერვისის შესახებ ინფორმაციის დათვალიერება.

3.2.4. კლიენტის მიმდინარე დღის აქტივობების (თანხის შეტანა, გამოტანა, ჩარიცხვა, გადარიცხვა) დათვალიერება.

3.2.5. კლიენტის მიერ ინტერნეტბანკით შექმნილი დოკუმენტების დათვალიერება.

3.2.6. კლიენტის ანგარიშზე განხორციელებული ოპერაციის დამადასტურებელი დოკუმენტების დათვალიერება.

3.2.7. პაკეტური გადარიცხვის განხორციელება, რედაქტირება, გაუქმება და მათი ისტორიის დათვალიერება.

3.2.8. დოკუმენტის/პაკეტის ხელმოწერა.

3.2.9. ვალუტის კურსების დათვალიერება.

3.2.10. საქართველოში მოქმედი კომერციული ბანკების SWIFT და RTGS კოდების შესახებ ინფორმაციის დათვალიერება.

3.2.11. სახაზინო კოდების დათვალიერება.

3.2.12. გადარიცხვის შაბლონის შექმნა/გამოყენება.

3.2.13. მესამე პირების შესახებ ინფორმაციის დამახსოვრება.

3.2.14. კლიენტის ინფორმაციის კონტრაქტების და სხვა დოკუმენტების შედათვალიერება.

3.2.15. კონფერენცია.

3.2.16. ბანკში არსებულ კლიენტის ანგარიშებს შორის გადარიცხვების შესრულება.

3.2.17. ბანკში არსებულ მესამე პირის ანგარიშებზე გადარიცხვების შესრულება.

3.2.18. საქართველოში რეგისტრირებული კომერციულ ბანკებში არსებულ ანგარიშებზე გადარიცხვების შესრულება.

3.2.19. კლიენტის მიერ შექმნილი დოკუმენტებისათვის სასურველი ნომერაციის მინიჭება.

კლიენტის ხელმოწერა



დამატებითი შეთანხმება

- ინტერნეტბანკის მეშვეობით, კლიენტს შეუძლია მოითხოვოს ოპერაციის განხორციელება, თუ დავალება გაფორმებულია შესაბამისი პასუხისმგებელი პირის (რომელიც განსაზღვრება კლიენტის მიერ ბანკისათვის წარდგენილი და ბანკისათვის მისაღები ფორმის მქონე დოკუმენტის საფუძველზე) მიერ, წინამდებარე შეთანხმებით განსაზღვრული პირობების შესაბამისად.
4. პასუხისმგებელ პირს შესაძლებელია ჰქონდეს პირველი, მეორე, მესამე ან მეოთხე ხელმოწერის კატეგორია. შესაძლებელია ერთ პასუხისმგებელ პირს ჰქონდეს რამდენიმე ხელმოწერის კატეგორია.
 5. ცალკეული ოპერაციის ან/და ანგარიშისათვის შესაძლებელია შეიქმნას პასუხისმგებელი პირების ჯგუფი. ამასთან, აღნიშნულ ჯგუფში შემავალი პასუხისმგებელი პირის მიერ განხორციელებული ოპერაციის შესახებ ინფორმაცია ხელმისაწვდომი იქნება მხოლოდ შესაბამისი ჯგუფში შემავალი პასუხისმგებელი პირებისათვის.
 - 5.6. ოპერაციების ან/და ანგარიშების ჯგუფისათვის შესაძლებელია შეიქმნას პასუხისმგებელი პირების ჯგუფი. ამასთან, აღნიშნულ ჯგუფში შემავალი პასუხისმგებელი პირის მიერ განხორციელებული ოპერაციის შესახებ ინფორმაცია ხელმისაწვდომი იქნება მხოლოდ შესაბამისი ჯგუფში შემავალი პასუხისმგებელი პირებისათვის.
 - 5.7. თითოეულ პასუხისმგებელ პირს ან/და პასუხისმგებელ პირთა ჯგუფს ცალკეული ოპერაციის ან/და ანგარიშისათვის შესაძლებელია დაუწესდეს ლიმიტი.
 - 5.8. თითოეულ პასუხისმგებელ პირს ან/და პასუხისმგებელ პირთა ჯგუფს ოპერაციების ან ანგარიშების ჯგუფზე შესაძლებელია დაუწესდეს ლიმიტი.
 - 5.9. იმ შემთხვევაში, თუ კლიენტის მიერ ბანკისათვის დავალების მიცემის მომენტში, კლიენტის შესაბამის ანგარიშზე არ არის ხელმისაწვდომი თანხა, დავალება ავტომატურად გაუქმდება.
 - 5.10. იმ შემთხვევაში, თუ კლიენტის მიერ ინტერნეტბანკში შექმნილ დოკუმენტს არ დაადასტურებს შესაბამისი პასუხისმგებელი პირი 10 (ათი) კალენდარული დღის ვადაში, აღნიშნული დოკუმენტი ავტომატურად გაუქმდება და ბანკს არ წარედგინება შესაბამისი დავალება.
 - 5.11. პასუხისმგებელ პირს აქვს საშუალება გამოიყენოს ავტორიზაციის შემდეგი მეთოდები:
 - 5.11.1. ავტორიზაცია მომხმარებლის სახელით, დიჯიტალისა და პაროლის საშუალებით.
 - 5.11.2. ავტორიზაცია KEY ფაილისა და პაროლის საშუალებით.
 - 5.11.3. ავტორიზაცია პასუხისმგებელი პირის სახელით, ID ბარათით და ID ბარათის პინ კოდის გამოყენებით.
 - 5.12. ინტერნეტბანკით გადარიცხვის ოპერაციას ბანკი შეასრულებს კლიენტისგან შესაბამისი დავალების მიღებიდან არაუგვიანეს 2 (ორი) საბანკო დღის ვადაში.
 - 5.13. კლიენტი პასუხისმგებელია ყველა დავალებაზე, რომელსაც იგი გასცემს ავტორიზაციის შემდეგ, იმ მომენტამდე, სანამ იგი არ შეწყვეტს ინტერნეტბანკით განსაზღვრული მომსახურებით სარგებლობას. აღნიშნული გულისხმობს კლიენტის პასუხისმგებლობას დავალებაზე ან აღნიშნული დავალების განხორციელებისას დაშვებულ ნებისმიერ შეცდომაზე, რომელიც გაგზავნილი იყო კლიენტის ან/და მესამე პირის მიერ.
 - 5.14. კლიენტი ვალდებულია, უსაფრთხოდ და საიდუმლოდ შეინახოს წვდომის კოდი და მიიღოს ყველა ზომა იმისათვის, რომ არ მოხდეს მისი არავტორიზებული გამოყენება. კერძოდ: ა) არასოდეს დაწეროს წვდომის კოდი ისე, რომ ის ხელმისაწვდომი გახდეს მესამე პირისთვის; ბ) არ გაუზიაროს წვდომის კოდი მესამე პირს, მათ შორის ბანკის თანამშრომლებს/ოპერატორებს, გარდა იმ შემთხვევისა როდესაც ეს გათვალისწინებულია ხელშეკრულებით ან/და კლიენტს სურს წვდომის კოდის შეცვლა; გ) არასოდეს ჩაწეროს წვდომის კოდი ისეთ პროგრამულ უზრუნველყოფაში, რომელიც ავტომატურად ინახავს ინფორმაციას (მაგალითად, კომპიუტერის `პაროლის შენახვის` ფუნქცია ან ინტერნეტის სხვა მსგავსი ფუნქცია); დ) არ განხორციელოს სხვა ისეთი ქმედება, რასაც შესაძლებელია შედეგად მოჰყვეს წვდომის კოდზე მესამე პირის წვდომა.
 - 5.15. კლიენტი ვალდებულია დაუყოფნებლივ აცნობოს ბანკს მესამე პირის მიერ ინტერნეტბანკით არავტორიზებული გამოყენების შესახებ ან ნებისმიერი არავტორიზებული ოპერაციის ან დავალების შესახებ, რომლის თაობაზეც კლიენტმა შეიტყო ან გაუჩნდა ეჭვი, ან როდესაც კლიენტს აქვს ეჭვი, რომ მესამე პირისთვის ცნობილი გახდა მისი წვდომის კოდი.
 - 5.16. ბანკი უფლებამოსილია:
 - 5.16.1. ნებისმიერ დროს, ცალმხრივად, კლიენტის დამატებითი თანხმობისა თუ აქცეპტის გარეშე შეცვალოს წინამდებარე შეთანხმებით განსაზღვრული პირობები (იხივე როგორც ინტერნეტბანკით მომსახურების საკომისიო), კლიენტისათვის 30 (ოცდაათი) კალენდარული დღით ადრე გაკეთებულ შეტყობინების (რომლის ფორმასაც განსაზღვრავს ბანკი საკუთარი შეხედულებისამებრ) საფუძველზე.
 - 5.16.2. კლიენტის მიერ ინტერნეტბანკით სარგებლობის საფუძველზე, ბანკისათვის გადასახდელი საკომისიო ან/და ნებისმიერი სახის გადასახადი, კლიენტის დამატებითი თანხმობისა და აქცეპტის გარეშე ჩამოჭრას კლიენტის ნებისმიერი სახის ანგარიშიდან.
 - 5.16.3. დროებით შეაჩეროს ან/და შეწყვიტოს ერთი ან რამდენიმე პასუხისმგებელი პირის ინტერნეტბანკით მომსახურების უფლება, თუ კლიენტი (მათ შორის რომელიმე პასუხისმგებელი პირი) დაარღვევს ხელშეკრულებით განსაზღვრულ პირობას ან/და ბანკს გაუჩნდება საფუძვლიანი ეჭვი, რომ კლიენტი ვერ შეასრულებს მასზე ხელშეკრულებით დაკისრებულ რომელიმე ვალდებულებას.
 - 5.16.4. დროებით შეაჩეროს ან/და შეწყვიტოს ინტერნეტბანკით მომსახურება, თუ კლიენტი 6 (ექვსი) თვის განმავლობაში არ იხდის ინტერნეტბანკით მომსახურების საკომისიოს.
 - 5.17. მხარეები თანხმდებიან, რომ:
 - 5.17.1. კლიენტის მიერ ინტერნეტბანკის მეშვეობით ოპერაციების განხორციელების შემთხვევაში, კლიენტს შესაძლებლობა ექნება მიიღოს შესაბამისი ელექტრონულ სახუთი.
 - 5.17.2. მხარეთა შორის ინტერნეტბანკით ურთიერთობისას, საკონტროლო დროს წარმოადგებს ბანკის (ან/და ბანკის მიერ განსაზღვრული მესამე პირების) ტექნიკური საშუალებების სისტემურ საათებში დაფიქსირებული დრო.
 - 5.17.3. იმ შემთხვევაში, თუ კლიენტი გადაწყვეტს ინტერნეტბანკით მომსახურების დროებით შეჩერებას ან/და შეწყვეტას ერთი ან რამდენიმე პასუხისმგებელი პირისათვის, იგი ვალდებულია ამის შესახებ წინასწარ, 2 (ორი) საბანკო დღით ადრე აცნობოს ბანკს წერილობითი ფორმით.
 - 5.18. ნებისმიერი ის პირობა, რომელიც კონკრეტულად არ არის განსაზღვრული წინამდებარე შეთანხმებით, რეგულირდება ბანკის მიერ დადგენილი პროცედურებისა და წესების შესაბამისად.
 - 5.19. წინამდებარე შეთანხმება შედგენილია ქართულ ენაზე. თუ რომელიმე მხარემ არ იცის ქართული ენა ან/და მისი დაწერლობა, ან მხარეებს ან ერთ-ერთ მხარეს სურს, მაშინ წინამდებარე შეთანხმება შესაძლოა შედგეს და დაიდოს ასევე მხარეთათვის მისაღებ სხვა ენაზეც. წინამდებარე შეთანხმების ინტერპრეტაციისას უპირატესობა ენიჭება ქართულ ენაზე შედგენილ ტექსტს. აღნიშნული ნორმები ვრცელდება, ასევე, მხარეთა შორის ნებისმიერი სხვა დოკუმენტის შედგენასა თუ ინტერპრეტაციაზე.
 - 5.20. წინამდებარე შეთანხმება წარმოადგენს ხელშეკრულების განუყოფელ ნაწილს და მასზე სრულად ვრცელდება ხელშეკრულების მუხლ(ებ)ის, პუნქტ(ებ)ის და ქვეპუნქტ(ებ)ის მოქმედება.
 - 5.21. წინამდებარე შეთანხმების თითო იდენტური ეგზემპლარი გადაეცემათ მხარეებს.

მხარეთა ხელმოწერები

ბანკი

